

四庫未收書輯刊編纂委員會編

四庫未收書輯刊

北京出版社

柒輯・貳拾壹冊

四庫未收書輯刊

四庫未收書輯刊編纂委員會編

北京出版社

柴輯・貳拾壹冊目錄

嚴白雲詩集二十七卷〔清〕嚴熊撰

一

中邨逸稟二卷〔清〕余思復撰

一六五

撫江集十五卷〔清〕蔡士英撰

二一五

陶庵漫興一卷〔清〕李泂撰

四三九

學易菴詩集八卷〔清〕趙賓撰

四六三

樂函十卷〔清〕葉承宗撰

六二七

〔清〕嚴熊撰

嚴白雲詩集二十七卷

清乾隆十九年嚴有禧刻本

嚴武伯先生詩集

繩武堂藏板

虞山錢牧齋先生以先朝耆宿操海內文章之柄者四十餘年所著初學集海內爭傳誦之暮年稍涉顏唐又喜引用裨官釋典諸書於是後進之好事者摘其纖疵微瑕相訾謗以爲口實然夏后之璜不無徑寸之考固不害其爲天球弘璧也歲辛丑先生顧余于湖上辟叩之暇語及當代人物先生曰吾虞有嚴生武伯者縱橫迭宕其才未易當也越乙巳始與武伯定交於吳門而先生之撤琴瑟已再閏矣武伯身長八尺眉宇軒軒驟見之或以爲燕趙間俠客壯士也酒酣已往爲言先生下世後其族人某先生平日遇之甚恩厚一旦妄意室中之藏糾合無賴少年囂于先生愛妾之室所謂河東君者詬詈萬端迫令自殺武伯不勝其憤鳴鼓草檄以聲厥罪其人大慙無所容聆其言坐客無不髮上指者嗚呼何其壯哉居平鬱鬱不自得則去而之京師出居庸關經彈琴峽爰及上谷雲中所至輒下馬賦詩大司馬合肥龔公甚激賞之而沛人闔古古者方爲龔公上客且儼然武伯父執也閭生老矣而狂益甚往往罵其坐人不少忌而獨心善武伯故其倡和之詩尤最多予讀之頗以不得預于其間爲恨一日飲酒漏三鼓武伯出牧齋先生文一篇示余相與辨論往復不中意武

嚴武伯詩集

宋序

伯鬚壽盡張如蝟毛欲擲鐵燈檠于地者再厥明酒醒
相視而咲曰夜來真大醉也雖狂者之態固然乎而其
護師門如干城不以生死易心良足多也昔者楊子雲
殺世人未之奇也獨其門人侯芭以爲立過周易芭之
文采不少概見卒賴此一言以傳况武伯之卓然名家
者乎若其馳騁豪縱之氣飛揚蹈厲之才覽者當自得
之余惟不文終未能繪其一二也萊陽同學弟宋琬

陳叙

觀察嚴君韋川一日齋其家白雲先生詩稿眎予曰先
曾祖生平詩最富手自刪雜又命先太僕審擇十存其
半祕在篋衍數十年矣將登諸梓子厚於我乞重為檢
勘且加之序予既謝不敏退自念吾兩家世好稠疊不
有紀述後將無聞非敢云序其詩也若詩之氣骨才情
體源派別當日宗工故老品論已詳末小子奚庸贅所
謂世好者年誼也師承也交情也先高祖珍凡府君壽
九十與君家樞部公前後同甲戌科聞報日戲持年弟
刺稱賀吳中傳為佳話閱四世而予與韋川乃真同年
焉予之問業於太僕公也時年十六七太僕教之鉅鉅
陶鑄鞭策交施批其死而後已篇曰魏廓園先生有志
士不忘在溝壑文不意此子亦有此作真吾徒也一日
若盡如此文可不作文矣幸而他作不如是也鉢心苦
口至今念之猶為神悚故附著之先考與太僕公訂金
蘭之譜里中與者十餘人後裔多寥落惟吾兩家克繼
舊好若夫先祖與白雲先生交情小子不及周知而具
見於集中太邱氏古稀壽詩七十韻邈家國感身世
關盛衰大含細入詞豐意足有高浪駕天輪不盡之槩

當年手書贈卷筆法道秀詩情墨妙珍為二寶今更得其全集讀之欣幸倍常矣前後事迹歷歷如斯若忽然不綴一語於簡末以申雅素於情理有不當然者遂忘其謫陋削浮據寔而書之年通家後學陳祖范拜撰

陳叙

二

有明崇禎庚午吾師姚文毅公主順天鄉試予幸而獲雋是年武伯之尊人子張亦舉南闈子張少受業於文毅故事兩京稱同年又同門也訂交長安互相題拂以為英流神士已而子張成進士子老計偕踪跡遂涸鼎革後子患難瀕死遙聞子張亦同之即知有令子武伯未識面也癸卯避跡吳下與子張相晤握手慰勞歎噓太息各已班白而武伯亦年幾四十矣形體魁岸鬚髯蜩張目光電熈予愛其有河朔壯俠之氣及與談詩文恂恂閭閻確有源委贈予詩云四海為家不畏糧兒童也識報韓張開編莫歎陳琳老覽景空思阮籍狂往跡危曾當虎口新驚愁為入羊腸何時負笈親函丈歷遍殘山剩水傍予和之云鉢乞晴天雨作糧朱琴蕭索不曾張伯倫隨地皆能醉光祿諸兒若个狂山水離奇窮鳥道聲筇辛苦試魚腸游來萬里憐孤影此夜悲歌爾在傍予南遊相知投贈不下千篇惟此篇能繪出心貌蓋文人則相如之擊劍猛士則荆卿之好書殆兼有之稱其家兒者也當是時牧齋錢宗伯以老學宏才挾主文柄於人少所許可獨酷愛武伯若禪門之付衣拂然予與牧翁言不契臨行遺書誚讓之牧翁滋愠武伯曲為調劑昔人所謂兩姑之間難為婦者予雅重之又三

陳叙

附片

年子往合肥會龔司馬尊人之葬武伯亦至相見甚懽
痛飲于司馬齋者再四時牧翁已歿會丁家難寵姬卿
氏自縊武伯不避嫌怨所至訟言一日司馬大會賓客
談及其事或爲探巢人解紛者武伯乘酒曠目叱之座
中以爲狂獨司馬感泣稱異以爲不負知已有古人之
風鄭重贈詩而別今年戊申來京師復飲于司馬齋醉
後立和子觀劇八章筆不停綴風雅可誦冠蓋中爭欲
交權武伯重幣延致文章意氣稱譽籍甚武伯俱以親
老爲辭子益重之於其歸折柳御河廣爲餞別歷叙交
誼詞繁而不殺焉庸正告天下之取武伯者當於俗口
嚴白雲詩集 閨序 二

謠詠牝牡驪黃之外而武伯亦將自勵其後也白奪山
人間古古撰

嚴白雲詩集目錄

卷一

雪鴻集上 古今體詩九十五首

卷二

雪鴻集中 古今體詩一百七首

卷三

雪鴻集下 古今體詩一百四首

卷四

戊申年古今體詩三十八首

卷五

已酉年古今體詩七十二首

嚴白雲詩集 目錄

卷六

庚戌年古今體詩六十首

卷七

辛亥年古今體詩八十八首

卷八

壬子年古今體詩八十四首

卷九

癸丑年古今體詩四十五首

卷十

甲寅年古今體詩四十三首

卷十一

乙卯年古今體詩十九首

卷十二

丙辰年古今體詩四十一首

卷十三

丁巳年古今體詩七十六首

卷十四

戊午年古今體詩四十九首

卷十五

己未年古今體詩三十四首

卷十六

庚申年古今體詩六十首

卷十七

辛酉年古今體詩三十一首

卷十八

壬戌年古今體詩三十五首

卷十九

癸亥年古今體詩四十七首

卷二十

藏白雲詩集

目錄

二

甲子年古今體詩四十四首

卷二十一

乙丑年古今體詩四十八首

卷二十二

丙寅年古今體詩四十八首

卷二十三

丁卯年古今體詩二十七首

卷二十四

戊辰年古今體詩三十八首

卷二十五

己巳年古今體詩四十一首

卷二十六

庚午年古今體詩二十首

卷二十七

辛未年古今體詩三十一首

卷二十八

壬申年古今體詩三十一首

卷二十九

癸酉年古今體詩三十一首

卷三十

屬矣生平著詩甚夥丁未以前刻有雪鴻集三

藏白雲詩集

目錄

三

卷行世戊申迄辛未屬葉未定王父思巷公訂
存古今體詩一千四百餘首不敢多存者曾王
父命也會王父捐館舍先府君力不克付梓疾
革時惓惓以未及表彰爲憾小子無似無以迺
前人之光年來病假里居撫節序之遷流懼手
澤之廢墜俯仰傍徨如負芒刺謹遵先志勉授
剞劂庶曾王父生平著作不至湮沒於世云
乾隆甲戌正月曾孫男有禧謹識

嚴白雲詩集

四

嚴白雲詩集卷之一

雪鴻集上

虞山 嚴熊

自贈

敝裘塵面鬢垂絲鄉里人人道是癡河北英雄推劍術
旗亭小妓誦歌詞二語記實也澆花種菜饒閒課斫柱捶胸
足酒悲他日遺民記青史千秋稽阮是吾師

上閩古古先生

四海爲家不畏糧兒童也識報韓張開編莫歎陳琳老
覽景空思阮籍狂舊事危曾當虎口新踪愁爲入羊腸

嚴白雲詩集

卷一

何時負劍親函丈歷遍殘山剩水傍

虎山橋玩月

吳中虎山橋自昔擅勝境其勝伊維何一言苦難竟
黎賦南山尚歉漏萬病矧余蠅蚓詩遑敢與古競旁
舉所經覽者母聽焚橋當太湖日湖爲大圓鏡四面皆
層巒圍環如妾腰方其波濤時橋柱明珠迸恍疑蛟龍
行聲勢一何勁風靜湖若砥晴光牙輝映又疑琉璃屏
內外都澈瑩霧靄嵐氣合山容失粧靚直恐消成雲根
株靡有剩有時片雲無頭角始明淨歷歷掌中果大小
悉能認惟山惟太湖輻湊茲橋勝惟晴惟烟雨變態忽

屢更宜春亦宜夏秋月乃正令頑冬稍枯寂要自匪凡
徑吳人好事多往往蘭橈橫攜樽醉紅裙並管清歌迤
白是艷冶遊野人非所性今年仲秋中鼓勇買舟行行
行抵橋畔雀噪日將暝同行三五輩同具山冰與亦或
攜家釀亦或攜餠飢亦或攜茗具欲使湖山醒亦或攜
高吟欲使湖山應脫落世間相懷葛可訂盟山僧與漁
父錯愕問名姓私語塵寰稀母乃神仙聖少焉月東升
如盤甚端正湖山得月光精神愈清零遊人得月光爽
塏塵慮摒清風解人意披拂似迂迎朗朗鑑鬚髮昏昏
陋燈檠能使蝦魚驚噤遣烏鵲定珠樓真弟兄瑤京差
廣白雲詩集 卷一 二

八新詩追和袁海叟

新烟

邨遠雖難接雲漢已不消會須愁別永寒食是明朝

新水

石面痕全沒溝頭跡半渾好教天上坐花信正邨邨

新燕

喃喃聲尚小掠掠翅初齊莫向空梁宿傷心有落泥

新草

瞥見生文砌旋看沒燒根落紅和墮絮取次與溫存

新鶯

睨窺簾影喚鶯向柳烟藏今日春猶淺殷勤盡二觴

新柳

乍展黃金色猶除碧玉條不緣風亦舞珍重可人腰

新蝶

露泣朝猶怯花明晝已狂韓馮與莊叟得失竟誰強

新月

玉甲初停招雕弓未引弦總無騎月雨懸看到中天

袁海叟作白燕詩過于時大本今武伯和袁八新詩

復過于袁夫體物之作在于若遠若近離形而得神

坡公云作詩必此詩定知非詩人爲粘皮綴肉者下

一鍼也武伯真得之矣鐵崖復起亦當遍書以示座

客耳牧翁蒙叟錢謙益書

拜文烈士應符母舅旅殯

悠悠渭水去無期，猶憶追隨最小時。
靜遠齋東探柳色，石經堂北嗅梅枝。
烏衣伴他生事白，首難同後死悲。
七尺形骸千歲計，白雲明月是心知。
身臨刑有忠魂今
夜歸何處明月難
雲之每

秋暑卽事四首

已丑月在八秋暑殊困人，予從城南歸咫尺，遮黃塵歸家，惟自笑急爲除衣巾，何處可逃暑？前問青州津放懷聊獨酌，頓覺形神親庶幾。荷鋪劉笑彼投轄，陳顏然玉山倒，吾自得吾真。

蘆白雲詩集

卷一

四

午夜風雨來，吹我夢中酒。酒醒暑氣微，新涼透腋肘。孤燈背壁暗，狂鼠挾侶走。門開屈戌搖，葉落黃耳吼。肺渴成子虛，目熱亦烏有。須臾天漸明，著我葛衣輕。晨起無事事，坐聽雨蕉聲。銅爐焚妙香，鼻觀祛宿醒。磁壺進苦茗，舌本如露清。倏爾今昨間，仙凡了異程。嘯傲華戶下，聊復得此生。人生百歲中，爲日三萬六。既無百歲人，慚愧徒碌碌。憶昔春夏交，庭卉旋抽綠。今來幾何時，玉露金風促。南枝初放桂，東籬欲開菊。已拋宋玉悲，堪誦牛山哭。因茲感物理，不用南華讀。朝菌共靈椿，究竟誰遲速。

追和陸魯狂落花十首 有序

滄桑之際，日與死伍。其間與子夢蹈白刃，醉玩海鷗者，陸二魯狂也。憶丙戌春，魯狂在村居，作落花斷句詩十首見示。一時歎艷尋忘之矣。越二年，魯狂憤懣歐血死。又六年，予臥病無聊，偶檢故篋，得片紙，僅存三四篇。爲之泚瀾不休，因擬其體，亦得十首。魯狂名振宣字幼于，魯狂其亂後所更字也。管領春光萬國齊，一朝飄泊子規啼。可憐無地容君跡，盡向蛛網網上棲。

傷心濃艷易飄零，憶得琵琶怨北庭。若掃殘芳堆作塚，

蘆白雲詩集

卷一

五

也應生草鎮常青。颺颺悠悠不著聲，白紅飛點草頭輕。青袍豈解花飛愁，贏得人看似錦茵。到死寧容土汙顏，逐風吹墮碧溪間。祇緣鏗鏘波方惡，盡族相依避小灣。淖土朝看化彩霞，爭飛雙燕賴成家。薄情爲爾銜春去，又作呢喃笑落花。霞苞玉萼一叢叢，百五風光瞬息空。不肯便同根上土，舞爲胡旋趁迴風。怨淚侵階點點紅，淚啼還盡怨難窮。枝頭只合棲鵲鳥，

一種傷心訴曉風

欲留無計更無言如此摧殘豈不冤底事洛南風力橫
問誰能立五星幡

最是傷心乍落時猶粧半面鬬胭脂日長閒欲長繩繫
繫得韶華向阿誰

草滿池塘綠滿枝年年相別一相思何如故友無期別
欲弔難憑楚些詞

重經葑園

外王父相國文肅文公故宅

歷歷池臺觸處驚此來疑是夢中行竹穿敗砌苔空綠
柳拂危橋水自清兩月去留天下事

文肅入相兩月而罷嘗謂其石日雨

嚴白雲詩集

卷一

六

故鳴
十年興廢一家情傷心剩有梁間燕猶泥愁人故

虎邱僧舍走筆爲顧云美乞炭

隆冬空山住雨雪打松竹二時飯蔬腐連宵却酒肉風
具枯禪性肝膈遠塵俗喜結清淨緣私慶多生福衲僧
三五輩微言少寒燠行囊數本書聊可資吟讀佛香瓊
璃燈伴侶自親睦如此送居諸何愁四方蹙惟餘一事
慳不能遂所欲虛堂寒氣深佐煖少烏玉布衾已多年
嬌兒裂裏幅羊裘我家事看看毛漸禿晨興指常拳夜
臥脚半縮騰騰煨榾柮烟銷空牀目對竈擬燎衣未免

容見而遙想素心人紙窗關竹屋琴書手寶主猿鶴當

童僕或謂陳留蔡或謂濟南伏

云美無子與女隱居故以二公爲喻

抱膝間歌爐應耀煜公如念我寒樂樂必笑獨惟公不

我客超壁求效陸約畧三日需後此不敢噴倘然明日

晴又向城中宿筠篴分數片此願亦易足呼童置風爐

鵲望佳音速逆知堪遂願寒氣先掃逐鮮葩發枯條陽

和轉幽谷几案方乍抹盃壺正新浴灼灼火全紅颺颺

湯已熟公能著屐來話盡三條燭

雜詩十四首

桂殘菊放太匆匆物色民夷萬古同未辦衣綿禁朔雪

嚴白雲詩集

卷一

七

且糊窓紙待霜風晨光喜映溶溶白夜火歡依淡淡紅

一段拙謀君勿笑此生甘老蠹書中

堵室無多抵彈丸剔除垣薜認蝸盤鱸烟風靜如雲凝

硯墨塵消似鏡乾閒裏光陰堪把玩醉中情緒少艱難

覓心至竟猶多事任運騰騰處處安

愁懷不耐乍寒侵月皎燈清擁布衾憲外梧桐增寂寞

牀頭蟋蟀伴呻吟當年漫想荆卿劍此日深思鍾子槩

視息如絲成熟睡任他鐘漏自沉沉

落落無營夢不喧夢回初日滿前軒起拈架筆毫猶潤

更撥爐香火尚溫灑掃戲親童子職沐薰莊誦聖人言

風塵六合情開眼只隔書齋一扇門

蕭蕭松菊遠塔苔冷閉柴扉打不開煅煉新詩聽雨枕

驅除舊恨對花盃耽閒自是幽人料習嬾元非用世材

釣竹羊裘衣鉢在雲初千載許追陪

積雨無聊冀晚晴可堪入夜又窻明展喧市上虛堂覺

鳩閑巢邊宿鵲驚歷歷已憂妨稼穡昏昏兼恨聚蚊蝓

天公老手如相念早放陽烏屋角生

乞得黃花數甘枝銅瓶叢插任離披雖非陶令羅含宅

聊應金皇玉女期夜靜好將燈掩映吟餘還賴酒支持

此花開後無花也草禿楓凋更泥誰

嚴白雲詩集

卷十

八

自笑生涯更不羣腐儒枯衲恰中分細筠作杖輕三兩

厚布縫衣重七斤負日堦前看鬬蟻尋詩水際候生雲

卷舒闕現誰能測觸處靈臺要策勲

霜濃風急景蕭條節序相催孰後凋兒棄盆中僵蟋蟀

妻包欄畔病芭蕉固窮只把遺經讀破悶還須宿酒澆

六出天花應不遠惟應雙鶴省唐堯

一雙敝屣一塵巾踪跡雖貧業不貧角奕偏多殘局勢

授詩新有出藍人青黃禾隴占豐歲紅紫楓林驗小春

杖策時遊儼圖畫免教俗說利名身

騷選淪亡格律疎瀾天僞學費耘鋤只求電火焚魑魅

自有藜燈照蠹魚蔡氏殘編成雜記郭家新註本遺書

是非後日終應定堪笑旁人漫毀譽

手磨銅片費沉吟漸見霜絲兩鬢侵壯志可憐菱作芡

道心終愧杵爲鍼惜陰莫使燈油淺遣興須教盞酒深

隱矣更將何所事永拋高筑撫陶琴

瀟灑襟懷誰與言近功粗進少攀援求名習利人謀巧

洗硯焚香我道尊得句有時參造化開編無日不羲軒

難餘一絮難除却濁酒猶思滿瓦盆

晴日歲熟爲吟詩愁壘時降仗酒卮天地不能籠落拓

龜沙端合避離奇眼前鮑子寧知我身後桓譚欲覓誰

嚴白雲詩集

卷一

九

獎得黃蘗三百甕到頭強項好男兒

擬古六首

荆人不識鸞千金買得雉持歸欲獻王不意中道死王

聞空惋歎欲見心不已他日見真鸞意謂曩者是燕石

混趙璧鄭淫亂官徵去去勿復言昔人已如此

人君重嚙笑好惡惡可錯獨怪衛懿公所嗜乃在鶴駟

或伏堦砌宿必傍巖壑翻翻高軒來雪翎何綽約狄馬

飲渭川皆言鶴有爵鶴飛伴令威歸來但城郭

鐘以聲自毀檀以香自蕪膏以光自煎人以巧自拙生

積詎爲肉得馬何足悅智哉文信侯易國宗還滅辯矣

蘇與韓殺身終在舌勞心復勞心中懷徒自結

獸莫爲比肩草莫爲兔絲比肩假他足有時行不支兔
絲纏大樹俯笑桃李枝一朝失所藉委棄徒傷悲君子
貴獨立小人多附麗獨立在千古附麗恒片時寄語今
時人久暫當自知

陽春三月時遶樹倉庚啼白馬少年子黃金絡馭驅凌
晨却無事來去桃李堤還過青樓飲賓從醉如泥猶言
樂未極嗔殺紅日低董生方下帷不知芳草萎爲士宜
不遇作賦何悲悽

有鳥啼帶血云是古帝魂至今幾千年嗚咽訴其冤已
康白雲詩集 卷一 十

蜀百萬家昔日咸蒙恩今聞怨苦聲起立無一言感茲
三太息淚下空潺湲

秋日十詠和歸元恭韻

秋雨

滴瀝空堦暮淒涼枕上驚衾初著體燈火倍多情竹
墜頻傳響螢寒久一明舉頭雲霧橫作意掩瑤京

秋風

過竹先傳冷吹荷已覺衰溪山明淨處珍重掃氣埃阮
籍矜初動班姬弱罷裁悲來正淒切容易莫登臺

秋雲

蟬翼難方薄人情底似輕金颺吹不散玉兔映常明黯
淡榮衰柳迷離度古城蒼梧邈何處危涕漫縱橫

秋月

明月尋常事秋來興不禁晶瑩千古色企望萬人心幾
如風生暈還愁霧作陰今宵兩無礙莫怯酒盃深

秋山

一雨千巖沐開雲生淨光阮生宜著屐李賀欲投囊松
栢有傲色莓苔蒸古香莫驚搖落意添却疊邊霜

秋水

碧淨藍相似澄泓練不如重重交苒藻歷歷見蟲魚大
康白雲詩集 卷一 十一

澤風紋細盆池星影疎詩材在窮處行到且躊躇

秋蟲

肖翹常附草啾唧每穿堦小物知時節當秋類自偕三
更寒士意千里旅人懷入耳腸應斷還須醉遣排

秋花

夏剩荷爲尾冬邀菊占頭吳中菊之佳者十月初始放天香惟桂魄
散與世間秋婦女穿成銅兒童簇作毬三杯清夜坐恍

入月宮遊

秋蟬

神僊同爾蛻瑞露吸長生移樹聲多咽臨風翅自輕桐

衰無蔽葉螳怒起危情羽化須乘早休依掌上行買限
病蟬飛不得向我掌中行仙韻

秋螢

燈殘暈月落萬點影離離池畔疑星處囊中映讀時
惟占小喜粘扇逗新悲莫恨寒風促爲九尚漢味
威有螢劉子
火九

余往作交蘊集有悲秋三十章通人覽之以爲纏綿
惻愴一往情深然余讀退之秋懷詩清曉卷書坐南
山見高稜及歸愚識夷塗汲古得修綆則又知退之
之所謂秋懷非猶夫人之坎懷失職悲渾然而歎窮
康白雲詩集卷一

愁已也秋窻閒坐白雲在天木葉微脫吟武伯和元
恭詩風味蕭瑟凄然有言外之致信武伯之深於秋
也黃花將放當與武伯掇英浮白共咏退之秋懷之
句以交勉焉蒙叟錢謙益

長至日文謙

地凍天凝乍轉陽良宵良友集茆堂輪君肝膽憑樽酒
照我鬚眉賴燭光壁上松枝空抱節齊中懸石田先生
作窻前梅蕊自含香論文析義從茲始莫道愁隨一線
長

燒香曲

君不見買家小女花盈盈青瑣窺郎目已成異香珍重
千萬意才著郎衣四座驚又不見荀令香爐旦夕薰中
然朱火颺烟青旁人聞香不知價但見過處三日餘芳
馨燒香自古有佳話買家荀家最知名長安甲第制度
精螻蟻蜥蜴難潛形紅簾翠幕窻戶閉蹲猊睡鴨煖氣
徐徐生濃香艷膩長淫思飛仙墮地不復行我有一香
非世情我歌君試洗耳聽青州布衫重七斤鳩柴架屋
四兩輕空山隆冬雪三尺狐兔蜩縮鳥雀凍無聲鴛鴦
啼風虎偃舞佛燈思燐相晶熒地爐騰騰煨棗此香
此味當與買家荀家誰弟兄

康白雲詩集

卷一

主

蠟梅三首

偶得蘇黃愛佳名千載傳蠟梅古稱黃梅坡公山谷
居籬菊後香占嶺梅前建子偏當令和羹合避賢美人
珍乍拆顆顆綴鳴蟬

一種梅花異先春已滿枝葉彫寒范叔花淡病西施戲
雀嫌頻啄遊蜂苦未知隴頭消息近珍重避幽姿

蜂採花成蠟蠟還開作花蜂寒翻不見花自傲霜華黯
淡籠烟曉輕明映日斜最憐曾折處鶴膝又勾芽蠟梅
重生者如
鶴膝然

夜坐懷錢福先戶部孫扶桑狀元二首

唧唧啼螢夜漏遲木龕趺坐首嘗垂因知却病調心處
盡在焚香聽雨時戶外任他塵鼎鼎齋中偏養道絲絲
長安今夜諸兄弟可有心情綴小詩

樂志堂中一局棋影娥池畔百篇詩雄才逸興君能詫
玉荆桐焦我自知倚伏有機看世幻雲泥無路說相思
較量今夜秋窗雨方寸如水落得癡

苦雨

太歲已亥天河傾淋淋浪浪不絕聲入春準過五十九
逆數殊少三朝晴幽簾暗光卯似西塵編細字乙混丁
銅鑪灰潤結若餅石榻汗迸流如錫棖題氣鬱逼蒸菌

藏白雲詩集

卷一

古

筆墨膠輒恒嚙齧紙窗霉透蝸飽蝕布被黥敗虱欲萌
千家濕練好披拂萬瓦玉繩堪結紫剔洗根株松竹瘦
激濯萍穢溝渠清憑然十炬只淡淡縱掩兩耳猶怍怍
兒童計拙棄土塊俗以小兒搏土能致雨也婦女妄想占燈檠鳩噓
嘈嘈嘴空利魚健洋洋尾不賴曲港已見勢鏗銘通衢
還駭聲訇轟欄前斷送百花笑柳畔寧聽孤鶯鳴萍藻
直從坳砌長篆籀多向壞壁生小隙尙欠茅茨補犬漏
惟賴盆盎盛晝移几案童孺子宵覆壘醬妻屏營有村
難認地演幻無樹不合天傷醒蚩尤陣列虎豹鬪伍胥
壽捲蛟螭爭平沅倏忽浸高陌騰漲俄爾失小旗炊烟

慘淡覆不起船浪澎湃硬欲迎茫茫麥壠不露穗萋萋
蘭徑難抽英摧殘佳卉歎汨沒輔佐惡木看滋榮陽烏
奚事終歛彩陰兔何夜當舒精離畢久共星解袂封穴
將與蟾結盟割雲猛欲施利刃縮地癡擬逃劫兵陽春
曲好真寡和愁霖賦切應多賡顛倒寒燠莫可辨攪亂
涇渭何由明酸風刺骨增酒量悶氣填臆開詩情市恩
過恨李靖灑鋤佞太苦弘羊烹閭閻且共懸囊具老稚
誰暇謀春耕只恐今年流亡饑饉滿天下叢祠妖火光
晶晶

中秋後八日暴風作寒桂花盡落

藏白雲詩集

卷一

古

月暈鷄號近五更肅人肌骨是松聲階前已墮英英桂
意下猶明短短榮節物屢催違素志炎涼陡換愴浮情
籬邊霜藥無多事好伴陶翁一解醒

古樹

虬曲復槎牙無人記歲華攻心憐電火却老謝藤花蟻
聚堪成國神依卽是家寄言殷太守失路莫興嗟

秋雨涼甚齋中多置茉莉蘭花之屬清芬襲人

天遣貧閒樂事稠新秋小雨夢魂幽蚊蠅何止避三舍
鐘鼎直教輸萬壽茉莉香從申後發蘭花膏向午前收
眼前一段清詩在更許何人拾得不